



De natura entis: *Dei*

Deus, & creatura, quam ens reale, & rationis, quia Deus, & creatura distant in infinitum, non sic ens reale, & rationis, si ergo a Deo, & creatura abstractibilis est, conceptus unus utriusque communis, tanto magis ens reale, & rationis.

Respond. Mairon. loc. citat. quod eo modo quo subiectum primi principii (quod quidem est ens reale transcendens) sumptum se extendit ad ens rationis, eodem modo salutar quoque primum principium se extendit ad ens rationis, cum ergo subiectum illud ad ens rationis se extendat tantum secundum quid, & dimittit, ut ratio animalis salutar in animali picto, eodem primum principium applicatur entibus rationis, unde negandum est assumptum, quod primum principium in ente reali, & rationis aequaliter verificatur, quia proprie solum in ente reali verificatur, & in tantum enti quoque rationis applicatur, inquantum ad modum illius concipi potest, unde & ipse Bonet. cuius est hoc argumentum, ait non sufficienter concludere. Ad 2. concedendo, & primam illam dignitatem esse univocam, ac ejus quoque subiectum antivocum esse, quia hoc est ens reale, non vero ens indifferens ad reale, & rationis, & in hoc sensu ait Aristot. 1. Post. 1. dignitatem ex terminis communissimis realibus, & transcendens sumptis, non vero quia conflat ex ente transcendente sumpto. Ad 3. negatum assumptum, vel si predicatur in quid, hoc verificatur solum quoad quod nominis, non quoad quid rei, quia nullo tale habet. Ad 4. non omnis multitudo reducitur ad unum, quod nihil fit illius multitudinis, sicut multitudo primae causae, & causarum non reducitur ad aliquod unum extra illam multitudinem, quia sic sequeretur aliquid esse prius primum, sed tota illa multitudo reducitur ad unum, quod est aliquid illius multitudinis, cui alia adhibentur, ut ad primam causam, si in proposito multitudo entis realis, ac entis rationis reducitur ad unitatem entis realis, & non autem aliquid, quod fit extra hanc multitudinem. Ad ultim. negatur assumptum, quia ut ait Canon. citat. magis distant extrema alicuius distantiae, quam aliqua contenta sub altero extremorum, ens autem reale, & ens rationis sunt extrema alicuius distantiae, & idcirco magis distant ens reale, & ens rationis, quam Deus, & creatura; ad probationem assumpti dico eundem, quod inter Deum, & creaturam est distantia infinitatis intensiva, quae non tollit omnem rationem convenientiae, sed distantia, quae est inter ens reale, & rationis, tollit omnem rationem convenientiae.

273 Quod arguitur ad probandum saltem posse abstracti conceptum communem ad relationem realem, & rationis, quia praedictamentum relationis constituitur per esse ad, cetera vero accidentium genera per esse in, & inherere; ac hoc inter se esse ad, & esse in, seu inherere, quod esse ad abstracti ad reale, & rationis, sed inherere esse proprio conceptui dicit aliquid reale, ergo saltem in genere relationis potest admitti talis conceptus praedictus; major patet, probatur minor, quia esse ad, ut de se constat, aequè convenit relationi rationis, & reali, & intellectus utriusque referre potest unum ad aliud, ad quod a parte rei non referatur, ac nequit facere inherere, quod re vera non inheret, ita arguit quidam Thomistae, & praesertim Cajetan. 1. p. quaest. 28. art. 1.

Respond. negando majorem, & minorem; majorem quidem, quia ut constat ex dictis disputat. 8. Logic. quaest. 4. ratio ex proprio conceptu intrinseco non solum dicit ad, sed etiam in; minorem vero, quia esse ad, verè, ac proprie sumptum, quo sensu constituit praedictamentum relationis, dicit conceptum realem, quia cum ceteris praedictamentis dividitur ens reale, & sicut hoc non obstante potest dari ad rationis, ita & esse in; sicut enim intellectus vim habet concipiendi respectum inter aliqua, quae non referuntur, ita vim habet apprehendendi accidentis in aliquo subiecto, cui inesse nequit, & quamvis intellectus nequeat virtute sua facere inherere a parte rei, quod non inheret, cogitare tamen potest illud, ut inherens, sicut a pari quando irreflexibilis adinvicem refert, utique non facit illa referri a parte rei, sed illa apprehendit ut relata; unde quod hoc nullo est discerni inter esse ad, & esse in.

274 Postremo arguit Pasqualig. tom. 1. Met. disp. 27. sect. 2. probans inter ens reale & rationis nullam interesse analogiam, quia vel haec esset analogia proportionis, vel attributionis neutrum est discernendum, quia proportionis non solum analogia quae dicitur propria, & per denominationem intrinsecam, sed etiam impropriam, & per metaphoram dicta, supponit in eo, quod tale dicitur proportionaliter, aliquam habitudinem ad id, quod est tale proprie, sic enim pratum dicitur ridere ob quam habitudinem, quam dicit in vultu hominis ridendi, ens autem rationis, cum in se fit omnino nihil, non habet unde fundat talem habitudinem, quae in se realis est, eodem modo probatur minorem quoad alteram partem, quia illa quoque analogia attributionis etiam ea, quae dicitur per extrinsecam denominationem, dicit in secundis analogis veram, & realem habitudinem ad primum, utina namque sana dicitur, quia dicit habitudinem in ratione signi ad sanitatem animalis; sed ens rationis cum sit nihil, talem habitudinem fundare nequit, & cum haec habitudo sit realis, enti rationis convenire nequit, ergo haec. Conf. quia si ens rationis analogum esset ad ens reale, hoc praesertim foret, quatenus habet similitudinem entis realis, dum dicitur concipi

ad modum ejus, ut supra dicebamus sed ens rationis in se consideratum nullam prorsus similitudinem habet cum ente reali, immò magis ab eo distat, quam homo pictus a vero, nam hic saltem intercedit realis similitudo in aliquo accidente, quae inter ens reale, & rationis nulla esse potest. Tum quia vel haec similitudo esset realis, vel rationis, si realis, ergo in ente rationis fundari nequit; si rationis, jam nihil est, & ideo veram analogiam inducere nequit.

Respondetur ad haec, & similia argumenta cum Suarez disputat 54. Metaphysic. section. 1. numer. 10. quod quamvis ens rationis, ut sic, nullam in se habeat proportionem, aut fundamentum proportionis ad ens reale, quia in se nihil est; cogitatur tamen ad modum habentis proportionem, vel habitudinem, & hoc factis est ad fundandum aliquam analogiam, unde neque ponimus habitudinem illam, quam dicit ad ens, veram, & realem, sed fictam, & cogitatur, quare argumentum cum sua confirmatione solum probat ens rationis non dicere veram, & realem, analogiam, quod gratis concedimus.

ARTICULUS III.

Non datur ens praescindens a positivo, & negativo est univocum.

275 Conclusio haec colligitur ex Scoto 4. dist. 11. quaest. 1. Siquantum ad 3. artic. ubi ait subiectum esse sub privatione non esse taliter, seu entiter se habere, quia privatio non est aliqua entitas, & sequitur ex dictis disputat. 8. Physic. quaest. 1. artic. 1. ubi determinatum est, quod licet sint multae privationes, & negationes, quae a parte rei de suis subiectis verificentur nullo intellectu cogitante, proindeque dici solent privationes, & negationes reales, seu ex natura rei, quatenus distinguuntur a privationibus, & negationibus metaphysicis, diximus tamen, negationem bene appellari entia realia negativa, vel positiva; ut quidam loquuntur, inter quos commemorari quoque potest Poncius disputat. 5. Physic. numer. 1. ubi non solum approbat modum loquendi illorum, qui privationem ex natura rei vocant ens privativum, immò inquit posse dici absolute, & simpliciter ens reale, quatenus ens reale opponitur enti rationis, quod adeo aperte falsum est, ut nec in ejus principii consistere possit, quia secundum ipsum disputat. 18. de ente, ut sic, numer. 6. ens quod dicitur, & immediate opponitur enti rationis, est ens reale positivum, unde si privatio dici potest ens reale, quatenus ens reale opponitur enti rationis, ut ait loc. citat. disputat. 5. Physic. numer. 1. sequitur privationem esse ens positivum. Verum tamen est etiam nonnullis hunc dicendi modum admittentes, & distinctionem entis realis in positivum, & privativum; alicui non concedere conceptum entis ab utroque praesertim, immò potius asserere videntur prout est commune utriusque esse nomen merè equivocum, ita Namur 1. Physic. quaest. 8. dub. 1. numer. 2. Quamvis autem haec conclusio fit adeo de se evidens, & manifesta, probari tamen solet quibusdam rationibus minus concludentibus, quas quia recipit Pasqualig. citat. ut efficaces, & tuetur, nonnullas ad trutinam vocare juvabit.

276 Primo igitur probatur, quia ratio ista entis a positivo, & negativo praescindens, vel est aliquid, vel non; si est aliquid; ergo aliquid essentialiter praedicatur de non ente reali, qualis est privatio, vel negatio, si non est aliquid, cum haec ratio praecisa praedicatur de ente positivo, non aliquid praedicabitur essentialiter de eo, quod est aliquid. Haec ratio similis est illi, quia numer. 156. impugnabatur praefatio entis, ut sic, ab ente reali, & rationis, unde dissolvi potest, ut illa, dicendo ens abstractus a positivo, & negativo esse quidem aliquid, sed quia aliquid aequale est, abstracti licet illud a positivo, & negativo, datur enim in rerum natura aliquid positivum, & aliquid etiam reale negativum. Contra tamen instat Pasqualig. & quia aliquid de se significat quod positivum, & ratio est, quia aliquid, & nihil contradictorie opponitur, ergo aliquid debet esse quod positivum, cum ex duobus contradictoriis alterum sit positivum, alterum negativum. At haec quoque instantia facile ab Adversariis eliditur, quia eadem proferri fieri potest de ente reali sic arguendum, ens & nihil contradictorie opponitur; ergo ens reale debet esse quod positivum; quare sicut ad hoc argumentum dicentur privationes, & negationes ex natura rei subiecta sua efficientes esse utique ens reale, quatenus omne illud dicitur reale, quod non est ens rationis, non tamen ens reale positivum, quia ens reale, quod opponitur nihilo, sub se comprehendit, tam entia realia positiva, quam negativa, si in proposito responderi potest ad argumentum factum per terminos *aliquid*, & *nihil*, quo autem pacto hoc argumentum ex contradictoriis desumptum deduci potest, ut sit efficax, postea demonstrabimus.

277 Secundo si daretur haec ratio entis ab ente positivo, & privativo praecisa, deberet haec ratio utique ad sua inferiora contrahi, & locum uniri, sed hoc est impossibile, ergo. &c. Major patet, Probatur minor, quia, quod non est positivum, nequit uniri cum positivo, praesertim cum, quod secundum se totum est positivum, cum ergo ens illud, ut sic, non sit positivum, quia abstracti, corrè cum ente positivo uniri nequit, alioquin ens positivum reale secundum se totum

